


Nunat Aqqinik Aalajangiisartut
marsip 10-anni 2011-mi
Oqaasileriffimmi ataatsimiinnerat

Peqataasut.: Carl Christian Olsen, Abia Abelsen, Stephen Heilmann, Tukummeq Qaavigaq aamma Lotte Holm.

Allatsi: Lisathe Møller Kruse.

Oqaluuserineqartut makkuupput:

1. Tikilluaqqusineq
2. Imaqarniliat akuerineri (*2010-mi oktobarip 29-anni, novembarip 5-anni, 12-anni kiisalu novembarip 19-anni 2010-mi ataatsimiinnermit imaqarniliaq aamma januaarip 3-anni 2011-mi ataatsimiinnermit imaqarniliaq*)
3. Aatsitassanut Ikummatissanullu Pisortaqarfimmiit suliakkiissutit
 - i. Frants Torp Madsenip saaffiginnissutai
 1. 2011/28
 2. 2011/32
 - ii. Benjamin Esberg Greve
 1. 2011-40.pdf (Illoqqortoormiut kitaaniippoq)
 2. 2011-39.pdf (Qaanaap eqqaaniippoq)
2. Sirkka Paikkalap saaffiginnissutai
 - i. Cape Morris Jesup (English) / Kap Morris Jesup (Danish)
 - ii. Atlantic Ocean (English) / Atlanterhavet (Danish)
3. Kangaatsiap eqqaani nunat aqqi nalunaarsukkat akuerineqanngikkallartut akuerinissaat
4. Tyskip Kai Maluckip Tunumi “Kangertivartikajik”-up eqqaani sumiiffiit aalajangersimasut atissaannik siunnersuutai
5. Taasariaqartut allat



1. pillugu –

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq.

Ataatsimiinnerullu aallartivnnginnerani CCO-p nassuiaatigivaa Nunat Aqqinik

Aalajangiisartunngortut toqqarneqaqqammernata ataatsimiinnerlu siulliummat siulittaasussamik siulittaasullu tullissaannik toqqaasoqassasoq.

Siulittaasutut toqqarneqarpoq Carl Christian Olsen, siulittaasullu tulliatut Abia Abelsen toqqarneqarluni.

2. pillugu –

Januaarip 3-anni 2011-mi Nunat Aqqinik Aalajangiisartut ataatsimiinnerannit imaqarniliaq akuerineqarpoq.

Ilanngullugu 2010-mi oktobarip 29-anni, novembarip 5-anni, 12-anni kiisalu novembarip 19-anni Nunat Aqqinik Aalajangiisartut ataatsimiinnerannit imaqarniliaq akuerineqarportaaq.

Ataatsimiinnerup siuliani imaqarniliaq pineqartoq akuerineqanngikkallarnernanut pissutaavoq, allatsi napparsimanagera pissutigalugu peqataannginnera.

3. pillugu –

Aatsitassanut Ikummatissanullu Pisortaqarfimmiit saaffiginnissutit Nunat Aqqinik

Aalajangiisartunit eqqartorneqareerlutik uku akuerisaasumik taaguutaasussatut aalajangerpaat:

Frants Torp Madsenip saaffiginnissutai

1. 2011/28
2. 2011/32

Qaqqartooq


Nannunniarfik

Benjamin Esberg Greve-p saaffiginnissutai

1. 2011-40.pdf (Illoqqortoormiut kitaaniippoq)
2. 2011-39.pdf (Qaanaap eqqaaniippoq)

Ikerasaat

Kangerluarsuup Timaa



4. pillugu -

Finlandimiup Sirkka Paikkalap nunat aqqi saaffiginnissutai marluk Nunat Aqqinik Aalajangiisartunit eqqartorneqartut tassaapputtaaq:

- i. Cape Morris Jesup (English) / Kap Morris Jesup (Danish)
- ii. Atlantic Ocean (English) / Atlanterhavet (Danish)

Nunat Aqqinik Aalajangiisartut nunap aqqa Kalaallit Nunaata avannarpasinnerpaaffianiittoq nuujusoq pisortatigoortumik “**Kap Morris Jesup**”-imik ateqartoq allanngortinnagu taamatut ateqartiinnarpaat.


Saaffiginnissutip aappaani Atlanterhavet kalaallisut ateqarnerseq apeqqutigineqarpoq. Nunat Aqqinik Aalajangiisartut nalornissutigiginagu “**Atlantikoq**”-mik ateqassasoq aalajangerpaat. Taamatut aalajangerannut pissutaavoq ulluinnarni Atlantikoq imartarujussuarmut pineqartut atitut nalinginnaasumik atorneqalereernikummat.

5. pillugu -

Kangaatsiap eqqaani nunat aqqi 2010 aasaagaa nalunaarsukkat Nunat Aqqinik Aalajangiisartut novembarimi 2010-mi ataatsimiinnerminni akuerinngikkallagaat ataatsimiinnermi uani eqqartorneqarlutillu aalajangiivigineqarput.

Attormiumut Jens Filemonsenumut apeqqutigineqartut ukuupput:

- “Aligik”-mik ateqartutut nalunaarsugaataareersoq Attormiullu “Aligioq”-mik ateqartutut naqqiissutaat Aligormit aallaaveqarnerseq Jensimut paasiniarneqarpoq. Ajoraluartumik Jensip nunap aqqa pineqartoq sumit aallaaveqarnerseq ilisimanngilaa, ilimagaluguli Aligoqarsimanera pissutigalugu Aligioq-mik taaneqartartoq. Nunat Aqqinik Aalajangiisartut pineqartoq eqqartoreerlugu “**Aligoq**”-mik pisortatigoortumik ateqassasoq aalajangerpaat.
- Nunap aqqa Aki kangerliumanertut nalunaarsugaatigisaq Nunat Aqqinik Aalajangiisartunit ippigineqarmat qeqertavittaa ateqarnerseq Jensimut




paasiniarneqarpoq. Pineqartoq Jensimut apeqqutigineqarpat Jensip nassuiaatigivaa kangerliumarnup pineqartup sineriaa imaanut atasumik innaaqqissuusoq, nassuiaatigalugulu soorlugooq akinnatut isikkoqarluni. Nunat Aqqinik Aalajangiisartut pineqartoq eqqartoreerlugu kangerliumarnup atia allanngortinnagu “**Aki**”-mik ateqassasoq aalajangerpaat.

- Nalunaarsugaataareersuni “Aleqarsua”-mik ateqartinneqartoq attormiunit Anton Inuusuttumillu naqqiissutigineqarluni “Aleqasua”-mik ateqartinneqartoq pillugu Nunat Aqqinik Aalajangiisartut naqqiissuteqartunut apeqqutigerusussimavaat sooq “Aleqasua”-mik taaneqartarnersoq. Sooq “Aleqasua”-mik taaneqartarnersoq Jensimut apeqqutigineqarmat Jensip nassuiaatigivaa nammineq kangerluk pineqartoq Aleqasua Tununngasormiunit ilikkagaralugu, tassamigooq nunarsuarimmassuk nammineq Tununngasormiut upperigamigit. Nunat Aqqinik Aalajangiisartut pineqartoq eqqartoreerlugu “**Aleqasua**”-mik ateqalissasoq aalajangerpaat.

- Julius Jeremiassenimut Niaqornaarsummiutum apeqqutigineqartut ukuupput:

- Nalunaarsugaataareersuni “Ilagisuusaakkat Qeqertaa”-nik ateqartinneqartoq Juliusimit “Qerrussap Qeqertaa”-nik ateqartutut naqqiissutigineqarpoq. Nunat Aqqinik Aalajangiisartut Juliusimut apeqqutigerusussimavaat pineqartup eqqaani nunamik “Qerrussat”-nik ateqartoqarnersoq. Juliusip nassuiaatigivaa eqqaani qerruinnik ersittoqanngitsoq, qerrualuilli kitaatungaani takussaasut. Taakkugooq ateqaatigisinnaavaat. Juliusip nassuiaatigivaattaq Ikamiormiut tamaavimmik qeqertaq pineqartoq “Qerrussap Qeqertaa”-nik ateqartikkaat. Nunat Aqqinik Aalajangiisartut pineqartoq eqqartoreerlugu “**Qerrussap Qeqertaa**”-nik ateqalissasoq aalajangerpaat.

- Nalunaarsugaataareersuni “Ilagisuusaakkap Tasersua”-nik ateqartinneqartoq Juliusimit “Qerrussap Tasersua”-nik ateqartutut naqqiissutigineqarpoq. Nunat Aqqinik Aalajangiisartut Juliusimut apeqqutigerusussimavaat pineqartup eqqaani nunamik “Qerrussat”-nik ateqartoqarnersoq. Juliusip nassuiaatigivaa eqqaani qerruinnik ersittoqanngitsoq, qerrualuilli kitaatungaani takussaasut. Taakkugooq ateqaatigisinnaavaat. Juliusip nassuiaatigivaattaq Ikamiormiut tamaavimmik taseq pineqartoq “Qerrussap Tasersua”-nik ateqartikkaat. Nunat Aqqinik Aalajangiisartut pineqartoq eqqartoreerlugu “**Qerrussap Tasersua**”-nik ateqalissasoq aalajangerpaat.



- Nalunaarsugaataareersuni “Sarfarsuup Niaqunaa”-nik ateqartinneqartoq Juliusimit “Niaqunaa”-nik ateqartutut naqqiissutigineqarpoq. Nunat Aqqinik Aalajangiisartut Juliusimut apeqqutigerusussimavaat Niaqunaa niaqornarmit aallaaveqarnersoq. Juliusip nassuiaatigivaa pineqartup portunerunera niaqunganeralu pissutigalugu taamatut atserneqarsimasoq. Nunat Aqqinik Aalajangiisartut pineqartoq eqqartoreerlugu “**Niaqunaa**”-mik ateqalissasoq aalajangerpaat.
- Nalunaarsugaataareersuni “Sarfanguup Niaqunaarua”-nik ateqartinneqartoq Juliusimit “Niaqunaarua”-nik” ateqartinneqartutut naqqiissutigineqarpoq. Nunat Aqqinik Aalajangiisartut Juliusimut apeqqutigerusussimavaat Niaqunaarua niaqornarmit aallaaveqarnersoq. Juliusip nassuiaatigivaa pineqartup portunerunera niaqunganeralu pissutigalugu taamatut ateqartoq. Nunat Aqqinik Aalajangiisartut pineqartoq eqqartoreerlugu “**Niaqunaarua**”-nik ateqalissasoq aalajangerpaat.

6. pillugu -

Tyskip Kai Maluckip Tunumi “Kangertivartikajik”-up eqqaani sumiiffiit aalajangersimasut tunumiusut atserusutani siunnersuutigalugit Oqaasileriffimmut saaffiginnissutigai. Nunat atserusutai 23-usut Nunat Aqqinik Aalajangiisartunit eqqartorneqarput. Nunat Aqqinik Aalajangiisartut aalajangerpaat nunat aqqi siunnersuutigineqartut suliarineqanngikkallarlutillu aalajangiivigineqanngikkallassasut. Taamatut isummernerminnut pissutigivaat Tunumi nunat aqqinik nalunaarsuiartortoqartussaana, ilimanaateqarluarsinnaammammi sumiiffiit atserusutai tunumiunit uagut ilisimangiinnakkatsinnik qangarsuaaniilli ateqartinneqareersut. Taamaattumik nunat aqqinik atserusulluni siunnersuuteqartoq Kai Maluck allaffigineqassaaq nunat aqqinik nalunaarsuiartortoqareerpat aatsaat nunat aqqi siunnersuutai aalajangiivigineqarumaartut.

7. pillugu -

--

Carl Chr. Olsen
Siulittaasoq

Lisathe M. Kruse
Allatsi